

Ref. Co/P & GS / SSS

To,

Sarpanch

Village Panchayat _____

Date : _____

**বিষয় : দরিদ্র জনগণকে 'আম আদমী বীমা যোজনার' অন্তর্ভুক্তিকরণ
এবং সমাজের দুর্বলতর অংশের জন্য বীমা সুরক্ষার ব্যবস্থা**

মহাশয় / মহাশয়া,

আপনারা অবগত আছেন যে ভূমিহীন গ্রামীণ পরিবারগুলি এবং অসংগঠিত ক্ষেত্রে কর্মরত শ্রমিকদের কোন সামাজিক সুরক্ষা নেই। ভারত সরকার অর্থাৎ আমাদের কেন্দ্রীয় সরকার এবং বিভিন্ন রাজ্যসরকারের পক্ষ থেকে দারিদ্র সীমার নীচে অথবা দারিদ্র সীমার সমান্য উপরে বসবাসকারী ব্যক্তিদের জন্য সামাজিক সুরক্ষা এবং উপার্জনের নিশ্চয়তা দেবার উদ্দেশ্যে বিভিন্ন পদক্ষেপ গ্রহণ করা হয়েছে।

এই উদ্দেশ্যে কেন্দ্রীয় সরকারের পক্ষ থেকে 'আম আদমী বীমা যোজনা' নামক যে প্রকল্পটির সূচনা করা হয়েছে, তার তত্ত্বাবধানের দায়িত্ব নিয়েছে ভারতীয় জীবন বীমা নিগম। যে সমস্ত মানুষ অসংগঠিত ক্ষেত্রে কর্মরত এবং সাধারণ ভাবে সামাজিক সুরক্ষার অধীনে নেই, তাদের জন্যই এই প্রকল্পটি গৃহীত হয়েছে।

এই সমস্ত মানুষদের চিহ্নিত করা এবং তাদের 'আম আদমী বীমা যোজনার সুরক্ষার অধীনে নিয়ে আসার দায়িত্ব দেওয়া হয়েছে বিভিন্ন 'নোডাল এজেন্সী' গুলির উপর, যাদের মধ্যে রয়েছে পঞ্চায়েতের কার্যালয় গুলি, বিভিন্ন বেসরকারী সংস্থা বা এন.জি.ও গুলি ও বিভিন্ন স্বনির্ভর গোষ্ঠী সমূহ। এছাড়াও বিভিন্ন সংস্থামূলক ব্যবস্থাগুলিও এর দায়িত্ব নিতে পারবে।

রাজ্য সরকার এবং বিভিন্ন কেন্দ্রশাসিত অঞ্চলগুলি এই 'আম আদমী বীমা যোজনা' প্রকল্পটির নোডাল এজেন্সীর দায়িত্ব গ্রহণের সম্মতি প্রকাশ করেছে তারাই নোডাল এজেন্ট হিসাবে কাজ করবে।

এই সব নোডাল এজেন্সীগুলির দায়িত্ব হল পঞ্চায়েত রাজ পরিচালিত বিভিন্ন সংস্থাগুলির সাহায্য নিয়ে এই বীমার অন্তর্ভুক্তিকরণের জন্য যোগ্য ব্যক্তিদের চিহ্নিত করা এবং নিকটবর্তী ভারতীয় জীবনবীমা নিগমের 'পেনশন ও গ্রুপ স্কীম' (পি এন্ড জি এস) বিভাগে তাদের নাম নথিভুক্ত করা ৫০ শতাংশ প্রিমিয়াম সহ। যদি এই সব মানুষরা ভূমিহীন গ্রামীণ পরিবারগুলির অন্তর্গত হয় তবে তাদের জন্য রাজ্য সরকার এই বীমার খরচ বহন করবে।

P.T.O.

এই আম আদমী বীমা সংক্রান্ত সমস্ত কাজ বীমাকৃত সদস্যদের পক্ষে পালন করার দায়িত্ব থাকবে নোডাল এজেন্সী গুলির উপর। এই প্রকল্পের অধীনে বীমার প্রধান বীমাকারী বা 'মাস্টার পলিসি হোল্ডার' হিসেবে নোডাল এজেন্সীর নামই বিবেচিত হবে।

এই প্রকল্পের সুযোগ সুবিধা ও প্রিমিয়াম নিম্নরূপ :


- এই প্রকল্পের অধীনে থাকা যে কোনো সদস্যের স্বাভাবিক মৃত্যুর ক্ষেত্রে তার নমিনি ৩০,০০০ টাকার বীমা সুরক্ষা পাবেন।
- কোন সদস্যের যদি দুর্ঘটনা জনিত মৃত্যু বা স্থায়ী পূর্ণ পঙ্গুত্ব ঘটে সেক্ষেত্রে ৭৫,০০০ টাকার বীমা সুরক্ষা পাওয়া যাবে।
- দুর্ঘটনা জনিত কারণে কোন সদস্যের স্থায়ী আংশিক পঙ্গুত্বের ক্ষেত্রে ৩৭,০০০ টাকার বীমা সুরক্ষা পাওয়া যাবে।
- এই বীমা যোজনার অন্তর্ভুক্ত প্রত্যেক সদস্য প্রতি বার্ষিক প্রিমিয়াম বা কিস্তির পরিমাণ হল ২০০ টাকা, এর মধ্যে ৫০ শতাংশ অর্থাৎ ১০০ টাকা বহন করবে কেন্দ্রীয় সরকারের ভারতীয় জীবন বীমা নিগম পরিচালিত তহবিল এবং বাকি ৫০ শতাংশ (আরও ১০০ টাকা) বহন করবে মেম্বার এবং / অথবা নোডাল এজেন্সী।
- আম-আদমী বীমা যোজনাতে গ্রামীণ ভূমিহীন বাস্তবজীবীদের জন্য ২০০ টাকা মেম্বার প্রতি প্রিমিয়াম এর ৫০ শতাংশ (১০০ টাকা) দেওয়া হবে ভারত সরকার ও এল আই সি পরিচালিত তহবিল থেকে ও বাকী ৫০ শতাংশ প্রিমিয়াম দেবে রাজ্য সরকার। এক্ষেত্রে মেম্বারকে কোন প্রিমিয়াম দিতে হবে না।

'আম আদমী বীমা যোজনা' হল সেইসব মানুষের জন্য যাঁরা দারিদ্র সীমার নীচে বা তার সামান্য উপরে রয়েছেন। বিশেষ তালিকা ভুক্ত ৪৮ টি পেশার অধীনস্থ ব্যক্তিরাই এই বীমার অধীনে আসার জন্য বিবেচিত হবেন।

উপরোক্ত সুবিধাগুলি ব্যতীত এই বীমার অধীনস্থ সদস্যের প্রত্যেকের নবম থেকে দ্বাদশ শ্রেণী পর্যন্ত পাঠরত / পাঠরতা দুটি করে সন্তান প্রত্যেকে প্রতি ছয়মাসে ৬০০ টাকা করে বৃত্তি পেতে পারবে যা কয়েকটি শর্ত সাপেক্ষে প্রদান করা হবে ভারতীয় জীবন বীমা নিগমের মাধ্যমে। আই.টি.আই. কোর্সে পড়লেও এই বৃত্তি পাওয়া যাবে।

সুতরাং আপনাকে আমাদের অনুরোধ, আপনার গ্রামের সমস্ত মানুষকে এই প্রকল্পের অধীনে সুরক্ষা দেবার জন্য উদ্যোগ গ্রহণ করুন। এজন্য আরও কোনও বিষয়ে জানবার থাকলে নিম্নলিখিত কার্যালয়ে যোগাযোগ করুন।

আপনাদের বিশ্বস্ত



ডিভিশনাল ম্যানেজার (পি এন্ড জি এস)

কলিকাতা মেট্রোপলিটান ডিভিশনাল অফিস-১

ভারতীয় জীবন বীমা নিগম

১৬, চিত্তরঞ্জন এন্ড্রিউস
কলিকাতা-৭০০০৭২